

La Quotidiana 31-12-2015, p. 18

9.03 MARELLA

Alberto Giacometti – A bientôt a Paris

Avant 50 onns arriva Alberto Giacometti a Cuira per ina controlla a l'ospital chantunal. El spera da turnar bainbaud a Paris per lavurar vinavant, a la tschertga instancabla da la figura perfetga. Dentant na banduna el betg pli l'ospital e mora nunspetgadain ils 11 da schaner 1966. La Marella sa metta cun dus amis dad el als fastiz da sia vita. Il cardiolog Reto Ratti ha passentà sco giuven student a Paris bler temp cun ils dus frars Alberto e Diego. Qua è sa stabilì in'amicizia che ha durà tut lur vita. Ina relaziun amicabla aveva er il famus galarist e collectader Eberhard W. Kornfeld cun Giacometti. Savens era el giast tar Kornfeld a Berna. L'ultima giada la fin november 1965 cur che Giacometti è



vegnì undrà cun il dr. honoris causa da l'università da Berna. Cur che Kornfeld ha manà el sin la staziun eran ils ultims plets da ses ami: «A bientôt a Paris!»

Redacziun: Claudia Knapp